

# Is Finnéithe Sibh

An tSeachtain Ghuí le hAontacht  
Chríostaí 2010



  
churches  
together  
IN BRITAIN AND IRELAND<sup>®</sup>

[www.ctbi.org.uk/weekofprayer](http://www.ctbi.org.uk/weekofprayer)

Tá cumhacht mhór ag na hinsintí ar an aiséirí a bhaineann le réimse mhór de na gnéithe den taithí dhaonna – turnamh dóchais, díomá, dobrón agus caillteanas. Ach ina dteannta seo, baineann na hinsintí leis an deacracht atá ann uaireanta glacadh le hathrú agus le fírinne an scéil.

Is é Albain, mo thír féin, tír óstach na bliana seo don tSeachtain Ghuí le hAontacht Chríostaí, agus tá siadsan tar éis an cuntas glinn d'Aiséirí íosa a roghnú mar fhócas le haghaidh ár gcuid smaointí agus paidreacha maidir leis an aontacht Chríostaí.

Tugann an aontacht i gCríost a lorgáimid agus a nguimis leis le fios go nglaothar orainn glacadh le rud éigin úr, rud éigin a athróidh sinn féin agus an eaglais ó bhonn – ó rud éigin easaontach go heaglais atá in aontacht i gCríost.

I láthair na huaire, tá cuid de na tráchtairí ag aithint go bhfuil sleamhnú ag teacht ar an ngluaiseacht éacúiméineach. Le gairid, tá Eaglaisí le Chéile tar éis a bheith ag déanamh machnaimh ar an meafar sin chun ceangal a dhéanamh idir é agus ceann eile – an fásach. Sa spioradáltacht Chríostaí, ní hamháin gur áit uaigneach agus naimhdeach go fiú é an fásach, ach gur áit é chomh maith ina mbíonn athnuachan spioradálta agus forbairt, áit ina ndéantar creideamh a dhaingniú agus a dhoimhniú. Mar sin, dá mba rud é go mbeadh sleamhnú ag teacht ar an turas éacúiméineach, b'fhéidir nár údar dobróin é, ach gur dheis a bheadh ann ar athnuachan agus ar an dóchas athnuaithe.

I rith na Seachtaine Guí le hAontacht Chríostaí, tá súil agam go mbeidh tú linn chun guí leis an athfhuinneamh i gcomhair na haontachta Chríostaí agus go háirithe chun an Críost aiséirithe a fheiceáil inár measc.

## An tUrramach Bob Fyffe

Ard-Rúnaí

Eaglaisí le Chéile, an Bhreatain Mhór agus Éire

### Nóta tábhachtach le haghaidh na Seachtaine Guí le hAontacht Chríostaí i mbliana

Táimid tar éis leagan amach na mblianta eile a leanúint i mbliana sa mhéid go bhfuil an tseirbhís adhartha againn mar fhorlíonadh sa leabhrán. Ach ag an am céanna, tá dhá leagan den tseirbhís curtha ar fáil againn den chéad uair: “Ord Seirbhíse A” má tá foirm liotúirgeach uait agus “Ord Seirbhíse B” má theastaíonn uait cur chuige nach bhfuil chomh foirmiúil céanna. Tá súil againn go gcuireann sé seo an tsolúbthacht ar fáil a oireann do do shuíomh féin.

# Lá 1

## Téama: Finné tríd an saol a cheiliúradh

### TUSA

1. *Conas a dhéanann tú féin agus d'eaglais an saol a cheiliúradh?*
2. *Conas a d'fhéadfadh daoine eile foghlaim uaitse gur beo é Críost?*
3. *Cad iad na slíite ina mbraitheann tú go bhfuil tú ag éirí níos cosúla le Críost, agus cad iad na slíite ina mbraitheann tú nach bhfuil?*

### AN BRIATHAR

LÉIGH: *Geineasas 1:1. 26-31, Leabhar na Salm 104:1-24, 1 Corantaigh 15:12-20, Lúcas 24:1-5* – Nochtaítear an t-aiséirí do na mná ar dtús.

FÓCAS: **Cad a bheir daoibh a bheith ar lorg an bheo i measc na marbh?** (Lúcas 24: 5)

### ATHMHACNAMH

Aimsir mairgní, agus gan cheiliúradh; aimsir chun an corpán cráite den tiarna dilgrách a unghadh go hionmhain.

Cé hiad na strainséirí glasta sin?

Gealann an t-aiséirí ag bun an éadóchais dhomhain; ag deireadh na hoíche gan suan, le heagla roimh a raibh le teacht, ola agus spíosraí, mná ag gol, fíis gheamhach agus géaga luaidhe.

Gealann an mhaidín, briseann an solas tríthi, fírinne threascrach, domhan athraithe, faoi shileadh na pingine.

### AN DOMHAN

A Dhia, a chruthaigh sinn as do ghrá agus a tnúthann le bláth an ghrá, guímid leo siúd a ndéantar dobrón ar a spiorad, ar bhásaigh a ndóchas, a iompraíonn dólás an leathsholais, agus a tnúthann le teacht na maidine.

# Lá 2

## Téama: Finné trí scéalta a roinnt

### TUSA

1. *Ar tarraingíodh isteach i scéalta daoine eile riamh tú?*
2. *An raibh ocáid riamh ann inarbh fhéidir leat scéal creidimh a roinnt?*
3. *Cá dtiocfaimid ar chaint ar an tSoiscéal ag baint úsáide as meáin chumarsáide nua-aimseartha?*

### AN BRIATHAR

LÉIGH: *Geineasas 1:1. 26-31, Leabhar na Salm 104:1-24, 1 Corantaigh 15:12-20, Lúcas 24:13-17a* – An bealach go hEamáús

FÓCAS: **Cad iad na scéala iad seo atá sibh a reic le chéile sa tslí?** (Lúcas 24: 17)

### ATHMHACNAMH

Cuimsíonn do scéal mo cheannsa: mo chuid bríonna sciorfhoclacha ar fad, mo chuid mílitrithe, míreanna scriosta agus athraithe. Déanann do scéal múnú ar mo cheannsa ar shlí éigin, ag scríos ar cheap mé a bheith doscriosta, ag sníomh do chuid snáithí órga trí mo chuid bríonna iol-fhoclacha, ag déanamh miorúilte de mo shaol, miorúilt de do chuid trócaire agus grásta.

### AN DOMHAN

Údar an tsaoil agus an chómhra fhoirfe, bímid ag taisteal turas an tsaoil, ag roinnt ár gcuid scéalta, tusa ag siúl inár dteannta i ngan fhios dúinn. Go raibh maith agat, óir bíonn tú ann i gcónaí, ag éisteacht lenár gcuid ceisteanna, ag tabhairt do chuid freagraí, cuir orainn do chuid ceisteanna, Agus stiúir sinn i dtreo d'Fhírinne.

## Lá 3

## Téama: Finné tríd an mheabhraíocht

## TUSA

1. *Cathain agus conas a bhíonn léirstean agat ar láithreach Dé?*
2. *An bhfuil léirstean agat ar cheilúrthaí agus ar thragóidí domhanda an lae inniu, agus conas a théann tú i ngleic leo i do shaol laethúil?*
3. *An bhfuil rud éigin eile a d'fhéadfá nó a d'fhéadfadh d'eaglais a dhéanamh chun dul i ngleic leis na suíomhanna seo?*

## AN BRIATHAR

LÉIGH: 1 Samúéil 3:1-10; Leabhar na Salm 23; Gníomhartha 8:26-40; Lúcas 24:13-19a – *Íosa, an compánach gan aithint ar an mbóthar*

FÓCAS: **An tusa an t-aon duine amháin atá ag cur fút in Iarúsailéim atá in ainbhios ar na nithe a tharla ann sna laethanta seo?**  
(Lúcas 24: 18)

## ATHMHACNAMH

Ag gábháil an bhóthair chrua ar ais ó Iarúsailéim, an t-aer trom le díomá, le brón, caillteanas agus aiféala. (“Agus sinne ag súil leis gurbh eisean a bhí chun Iosrael a fhuascailt”) Bhí léirstean againn ar an stráinséir a bhí ar chomhchéim linne. Cár fhios dúinne go ndéanfadh an compánach gan aithint seo é féin a nochthead le gníomh chomh simplí le roinnt an bhuilín aráin?

## AN DOMHAN

A Thiarna Íosa, buaileann tú linn, agus siúlann taobh linn sa tsaol laethúil. Guímis leis an grásta léirstean a bheith againn ar do láithreach agus gach a chuireann tú ar fáil dúinn, ionas gur fearr a bheimid fianaiseach dár gcreideamh agus dár muinín asat.

A Dhia, siúlaimid an bóthar céanna agus a shiúl na daoine ar scoilt eachtraí na staire iad uainn. Tarraing níos gaire dá chéile fós sinn, le go dtaispeánfaimid le chéile an aontacht ar ghúí do mhac léi.

## Lá 4

## Téama: Finné tríd an dúchas agus an traidisiún

## TUSA

1. *Cé a spreag do chreideamh?*
2. *Cad é atá i do chreideamh a spreagann tú gach lá?*
3. *Cén chaoi a ndearna do thaithí saoil múnúil ort?*
4. *Conas is féidir leat na nithe maith de do thraidisiún a thabhairt ar aghaidh?*

## AN BRIATHAR

LÉIGH: Deotranaimí 6.3-9; Leabhar na Salm 34; Gníomhartha 4,32-35; Lúcas 24: 19-27 – *D'oscail sé na Soiscéil dóibh.*

FÓCAS: **Cé na rudaí?**

## ATHMHACNAMH

Níl an t-am a caitheadh iomlán san aimsir chaite, ach coinníonn sé air; sruth faoi cheilt, foinse bheatha in am an ghátair, ach a ligtear i ngaiste, i slodáin, uaireanta.

Nuair a chuireann brionglóidí briste mearbhall ar dheisceabail, á bhfágáil gan chéill gan dóchas, tagann traidisiúin as an nua, ag athrú na fírinne, chun patrún slánaithe Dé a athchruinniú.

Chuala Maois agus na fáithe fadó gealltanais ar dhuine a bhí le teacht, a ndéanfaí athmhuintearas idir dhomhan agus neamh mar aon trína shaol, trína bhás agus trína aiséirí.

## AN DOMHAN

Dáil orainn, a Thiarna bheo fhuascailteach, na súile chun ár gcuid traidisiún a thuiscint ach chun scaoileadh leo chomh maith más gá. Deonaigh dúinn bua an ghrinnis le gur féidir linn na nithe sin a ndéantar do Chorp agus d'Eaglais astu a thabhairt dá chéile.

Tabhair dom radharc na súl, agus cluasa chun do ghlór grámhar a chloisteáil. Spreag chun gnímh mé gach lá chun go léireoidh mé an Aontacht atá i d'Eaglais agus i do Dhomhan.

A Dhia, guímid leis na hanamacha cráite, briste ag eachtraí coscracha, anfaiseach ag brionglóidí ídithe, ag déanamh dobróin agus ag glacaireacht ina chomhchodanna. Go raibh scéal an tslánaithe in Íosa Críost mar amhrán agus mar fhoinsé nirse acu.

## Lá 5

## Téama: Finné tríd an bhfulaingt

## TUSA

1. Conas mar a chuireann fulaingt dhaoine eile a bhfuil aithne agat orthu isteach ort?
2. Conas mar a chuir do thaithí féin ar an bhfulaingt isteach ar do chreideamh?
3. Conas mar a chuireann na tuairiscí ar fhulaingt, dhaorsmacht agus bhochtanas na ndaoine nach bhfuil aithne agat orthu isteach ort?
4. Conas a thugann Íosa dóchas dóibh siúd a bhíonn ag fulaingt?

## AN BRIATHAR

LÉIGH: *Íseáia 50.5-9; Leabhar na Salm 124; Rómhánaigh 8.35-39; Lúcas 24:25-27 A óinsiúla agus atá tú, agus leasc chun creidiúna*

FÓCAS: **Nár bh fholáir go bhfulaingeadh an Críost na nithe úd chun go dtiocfadh sé isteach ina ghlóir? (Lúcas 24: 26)**

## ATHMHACNAMH

Briathra ón leanbaíocht,  
Maois agus fáithe,  
mothú ionannais,  
foinse shlandála,  
pléascann siad anois le brí nua.

Nach raibh gá leis?  
Dosheachanta?  
Fulaingt agus glóir,  
do-scartha;  
cailleadh beatha chun beatha a bhuachaint  
agus athshlánaíodh ár gcuid péine ar fad  
lena aiséirí.

## AN DOMHAN

A Dhia, molaimid tú as ucht dílseacht Íosa, a tháinig chugainn trína fhulaingt chun sinn a tharraingt isteach i do ghrá iontach.

Táim buíoch díot go bhfuil Slánaitheoir Fulangach againn a bhfuil taithí aige ar an bhfeallaireacht, ar an ngéarleanúint agus ar an éagothrom; a sheas céasadh coirp agus intinne.

Táim buíoch díbh uile ar thaispeáin bhur gcuid fulaingthe bhur ngrásta agus bhur gcuid dínite. Guímid, a Dhia, leo sin a fhulaingíonn: siúd a mhothaíonn gur caitheadh in airde iad, siúd a bhíonn ag streachailt ar aghaidh go crógach, agus siúd ar mhian leo go gcuirí stop leis láithreach.

## Lá 6

## Téama: Finné tríd an dílseacht do na scríoptúir

## TUSA

1. Cad iad na sleachta scríoptúir is mó a bhfuil brí leo duitse?
2. Cé nó céard a chuireann do chroí ar lasadh le díograis don tSoiscéal agus le fonn a bheith fianaiseach do Chríost?
3. Cad iad na sleachta den Bhíobla a chabhraigh leat tuiscint níos doimhne a bheith agat ar fhianaise Chríostaithe eile?

## AN BRIATHAR

LÉIGH: *Íseáia 55:10; Leabhar na Salm 119:17-40; 2 Tiomóid 3:14-17; Lúcas 24.28-35 – Osclaíonn Íosa na Scríoptúir do na taistealaithe*

FÓCAS: **Nach raibh ár gcroí ar lasadh ionainn le linn dó bheith ag labhairt linn feadh na slí, agus é ag nochtadh na scríoptúr dúinn (Lúcas 24:28-35)**

## ATHMHACNAMH

Rinneadh feoil den Bhriathar agus rinneadh briathra faoin mBriathar a phriontáil: gan iontu ach cruthanna ar an leathanach, a léirigh cuspóir Dé go cumasach.

Agus chonaic agus thuig taistealaithe, cothromaithe ag arán briste os a gcomhair amach, dóite ag díleá na mbriathra.

Focail agus arán, intinní agus croíthe: an dá philéar den áiteamh, den fhírinne thuisleach, ag déanamh deisceabal lúcháireach de thaistealaithe starragánacha, ag truipeáil ar ais chun a gcuid gliondair a roinnt.

## AN DOMHAN

A Dhia, molaimid tú agus gabhaimid buíochas leat as do Bhriathar sábhála a shíneann amach chugainn tríd na Scríoptúir Naofa.

Gabhaimid buíochas agat chomh maith as na deartháireacha agus na deirfiúracha a roinnimid do Bhriathar leo. Faighimid flúirse do ghrá le chéile.

Guímid le solas do Spioraid Naofa, le go leanfaimid do Bhriathar a stiúrfaidh sinn i dtreo na haontachta a theastaíonn uait ar mhaithe leis an domhan.

A Dhia, guímis le taistealaithe buartha: díomách ag an easaontacht, millte ag an gcaillteanas, báite sa dobhrón, eaglach roimh an todcháil, ceal dóchais.

## Lá 7

## Téama: Finné tríd an dóchas agus an muinín

## TUSA

1. Conas a théann tú i ngleic le do chuid eaglaí agus amhras?
2. An bhfuil slí ann ina bhfhéadfá a bheith mar údar eagla agus imní do dhaoine eile?
3. Cé mhéad pobal Chríostaí a thugann misneach dá chéile sa chreideamh agus sa dóchas?

## AN BRIATHAR

LÉIGH: *Iób 19:23-27; Leabhar na Salm 63; Gníomhartha 3:1-10; Lúcas 24: 36-40 – Baineadh siar as na deisceabail sceimhlithe*

FÓCAS: **Cad é an scanradh atá oraibh, agus cad chuige a bhfuil ceisteanna ag teacht in bhur gcroí! (Lúcas 24:36-40)**

## ATHMHACNAMH

Crapaimid an saol go hoiriúint, agus síothlaímid an dóchas, agus freangaímid an muinín, sa tslí agus go mbíonn forlámhas ag an amhras.

Ní hé nach bhfeicimid, is é atá ann ná go bhfeiceann: ní ligeann an bás sámh d'fhírinne phriaclach an chreidimh.

Agus san anord a thugann aiséirí Chríost, ní hé an dochma taibhsiúil an t-uafás, ach an fuaiscneamh domhanda, a athraítear anois: tá cneasú sa dóchas ach tá loscadh croí ann chomh maith, agus gearrann an muinín ar shaolta.

## AN DOMHAN

A Dhia, ár sólas agus ár dtreoir, nuair is doimhne ar fad ár n-amhras, nuair is dorcha ar fad ár n-eaglaí, tá tú ann, cé go gcaillfeadh ár léirstean ceoch do láithreach. Déan socair agus tacúil sinn, comhbhách le goilliúnachtaí daoine, le go nglacfaimid misneach i gcreideamh agus i ndóchas ar ár mbealach chugatsa.

## Lá 8

## Téama: Finné tríd an aíocht

## TUSA

1. Cad a chuireann isteach ar do chuid aíochta féin?
2. An bhfuil an áit ina bhfuil tú i do chónaí tíosach do stráinséirí?
3. Cén difríocht a dhéanann an eaglais?
4. Cé hé an duine is mó ar chuir a chuid aíochta i bhfeidhm ort?

## AN BRIATHAR

LÉIGH: *Gein 18:1-8; Leabhar na Salm 146; Rómhánaigh 14:17-19; Lúcas 24:41-48 – D'oscail sé a n-intinní chun go dtuigfidís na scríoptúir*

FÓCAS: **An bhfuil rud ar bith anseo agaibh a d'íosfaí? (Lúcas 24:41)**

## ATHMHACNAMH

Tá an troscadh go breá, ag díriú na haigine; tá an féastú án, ag roinnt an aráin.

Tá an troscadh pearsanta, uaigheach i gceart tá an féastú comhchoiteann, tagann spioraid le chéile ann.

Grá sa toirbheartas, ag deonú formheasa, ag freastal ar riachtanais an choirp, le grásta.

Tá tábhacht le gach ceann acu, an chéad cheann agus an ceann deiridh, caithfidh fáilte a bheith roimh chách, caithfidh áit a bheith ann rompu.

## AN DOMHAN

A Dhia na láimhe oscailte, ina bhfaighimid fáilte: cabhraigh linn an t-ocrach a bheathú, teangacha na n-íotach a fhliuchadh, clúdach a thabhairt don noch, aire a thabhairt do na heasláin, cuireadh chun cairdis a shíneadh chucu sin atá ar chúl éaga, mar oilithrigh bharróg an ghrá.



# Ord Seirbhíse A

## CRUINNIÚ

De réir mar a thagann daoine isteach, d'fhéadfaí cárta a thabhairt dóibh leis an gceist “Cad leis a bhfuil tú ag súil?” scríofa air. Iarrtar orthu a gcuid freagraí a líonadh isteach, ag déanamh paidreach den fhreagra, agus bailítear i rith phaidir an idirghuí iad.

Agus an pobal ag cruinniú, cantar amhráin dheabhóideacha a thugann na traidisiúin dhifriúla le chéile. Iarrtar ar an bpobal éirí ina seasamh i gcomhair iomann mholta deiridh.

### Glaoch chun adhartha.

*Leag mé súil ar do shlánú a d'ullmhaigh tú i láithreach na ndaoine uile.*

**Solas i gcomhair foilsithe do na náisiúin ar mhaithe le glóir do phobail.**

## I: An Nuacht ag an Tuama Folamh

### Ag Cruinniú an tSoiscéil Lúcas 24:1-12

D'fhéadfadh cúpla glór difriúil ón bpobal é seo a leámh amach, gach ceann acu ag rá abairte amháin.

Cuireann an léitheoir deiridh Bíobla os comhair an phobail, ag rá

*Seo é Soiscéal Chríost.*

### Moladh ar ghealadh d'fhírinne.

### Amhrán Mholadh an Aiséirithe

*Féach Acmhainní breise le haghaidh moltaí*

### Fáilte

Déanann na ceannairí ar fad fáiltiú comhpháirteach i dtosach na háite adhartha. Tá míniú ar an tseirbhís le fáil san eochairthéacs: Lúcas 24:48 ‘Is finnéithe sibhse ar na nithe seo’.

### Paidir tosaigh – Buíochas do láithreach Dé

*Guímis le go mbeimis réidh  
Chun glacadh le glaoch Bhriathar Dé*

*A Dhia na n-Uile Chumhacht,  
a thug a oiread sin de ghrásta  
do d'Aspal Aindriú  
gur thug sé aire gan aon agó  
ar ghlaoch do mhic Íosa Críost:  
glaigh orainn le do bhriathar naofa,  
agus tabhair dúinn an grásta chun tú a leanúint gan mhoill  
agus chun dea-scéal do ríochta a insint;  
trí Íosa Críost do Mhac, ár dTiarna,  
atá beo agus a smachtaíonn in éineacht leatsa,  
in aontacht an Spioraid Naofa.  
Dia amháin, anois agus go brách.  
Áiméan.*

### Briathar

## II: AN SCÉAL AR AN MBEALACH GO HEAMÁÚS

**Léamh** Lúcas 24:13-24

### Amhrán nó Salm

*Mar shampla, Haven't you heard? (CG46)*

### Léirsmoineamh

*Féach acmhainní breise le haghaidh roghanna.*

**Léamh** Lúcas 24:25-35

*D'fhéadfaí é seo a fhógairt.*

*Seo é Soiscéal Chríost.*

**Moladh Ghealadh na Fírinne.**

**Amhrán:** “Will you come and follow me?”

*(R&S 558; CH5 533; Common Ground 148)*

### Caint, Seanmóir nó Athmhachnamh

“Seo é an Soiscéal a roinnimid.”

## III: IS FINNÉITHE SIBH

**Léamh** Lúcas 24:36-49

*D'fhéadfaí é seo a fhógairt.*

*Seo é Soiscéal Chríost.*

**Moladh Ghealadh na Fírinne.**

Creidimid gur fhulaing Íosa, an Críost, an Slánaitheoir, agus gur éirigh sé ó mhairbh ar an tríú lá, agus go bhfuil aithreachas agus maithiúnas na bpeacaí le fógairt ina ainm os comhair na náisiún uile

## Paidreacha

### Paidreacha an Idirghuí

*D'fhéadfaí an fhreagairt “Tabhair do sheacht ndícheall dá ndíogha” (aistriúchán Gaeilge ar an abairt Bhéarla “Bring your best to their worst” in “There is One Among Us” le Wild Goose Publications) a rá nó a chanadh cúpla uair agus na cartaí le “Cad leis a bhfuil tú ag súil” scríofa orthu á mbailiú, díreach roimh na paidreacha. D'fhéadfaí an fhreagairt a chanadh i rith na bpaidreacha chomh maith. Is féidir freagairtí eile a úsáid chomh maith.*

### Paidir an Tiarna

### An tSíocháin

**Ceannaire** Tháinig an Críost aiséirithe agus sheas sé féin i measc a chuid deisceabal agus dúirt leo: ‘Síocháin daoibh’. Bhí áthas orthu nuair a chonaic siad an Tiarna.

Síocháin an Tiarna daoibh go brách.

**Cách Go mba hé duit.**

### Iomann nó Amhrán

*Féach Acmhainní breise i gcomhair moltaí.*

## CUIREADH CHUN TIOMNAITHE

**CEANNAIRE** Cén áit a dtiomnaímid sinn féin a bheith inti?

**Paidir an Tiomnaithe (deireann cách é seo)**

Tabhair sinn ón áit ina bhfuilimid,  
go dtí an áit ar mhaith leat go mbeimis inti;  
déan comharthaí beo do Ríochta atá le teacht dinn,  
seachas caomhnóirí ar an tseanoidhreacht amháin,  
spreag sinn le hathfhuinneamh  
i gcomhair ceartais agus síocháin idir na huile dhuine;

Líon sinn le creideamh, le dóchas, agus leis an ngrá,  
a chuimsíonn an Soiscéal;  
agus trí chumhacht an Spioraid Naofa,  
tarraing le chéile mar aon sinn.

Go gcreide an domhan ionat,  
go raibh d'ainm urramach ag ár náisiúin,  
gurab fearr a dhéanfadh d'eaglais do chúram mar chorpán duit,  
tiomnaímid sinn féin chun tú a ghrá, chun freastal ort,  
agus chun tú a leanúint mar oilithrigh, seachas stráinséirí.

**Áiméan.**

*(Aistriúchán Gaeilge ar an bpaidir thiomnaithe as ar baineadh úsáid ag an tseirbhís tosaigh de chuid Action of Churches Together in Scotland.)*

## AG DUL AR SCOR

### **An Bheannacht/Beannacht na Naomhshacraiminte**

Dia a d'ardaigh Íosa Críost ó mhairbh,  
tugadh sé an muinín daoibh iontaobhas a bheith agaibh  
as an ríocht atá le teacht.

**Áiméan.**

Críost a bhris an t-arán agus a shiúlann lena chuid cairde,  
Beathaíodh sé sibh lena Bhriathar,  
agus stiúradh sé sibh ar shlí na fírinne .

**Áiméan.**

An Spiorad a chumasaíonn an eaglais go brách  
Tugadh sé aontacht daoibh chun go ndéanfaidh sibh fianaise le cumhacht a ainm.

**Áiméan.**

Agus an bheannacht ...

**Áiméan.**



### Amhrán buíochais

Is líonmhar ach sainiúil buanna an phobail,  
 gairthe le dúshlán faoi Dia a ghrá,  
 chun fianú a dhéanamh leis, chun a ghrá a thaispeáint  
 ag saothrú dá ríocht de cheartas is shíocháin.

*Córas: Beidh lámh ag a bhfuil creideamh i misean Dé,  
 Lucht taistil brionglóideach a spreagann,  
 Ag roinnt ár saolta lena mbuailimid leo.  
 Ag ofráil dóchais ar an aistear le Dia.*

Talanna is buanna a chuirtear ar fáil,  
 Bronntanais a thugtar de bhun tola, go réidh,  
 Ag roinnt lena chéile le go n-aithneofaí Dia,  
 beannaithe ag an Spiorad a bhfuil a láithreacht i ndáil.

Córas:

Ag canadh is ag bÁCáil, ag áireamh is ag teagasc,  
 cairdeas is compord is ag cóiriú an dín,  
 cuartaíocht, seanmóireacht, ag cumhachtú nó ag guí,  
 is iad seo iad na buanna a ofráilimid do Dhia.

Córas:

Daoine ildánta, ach mar aon i gcuspóir,  
 Ag teacht lena chéile mar theaghlach amháin.  
 Ag roinnt an tSoiscéil is ag tacú dá chéile,  
 Is é seo é ár ndóchas agus is é seo é ár sprioc.

Córas

:

Many yet one are the gifts of God's people

Words: Lindsey Sanderson  
 Legato, flowing

Music: Susan Heafield  
 Tune: SANDERSON

Ma - ny yet one are the gifts of God's peo - ple,  
 Ta - lents and skills have been gi - ven for ser - vice,  
 Sing - ing and bak - ing, ac - count - ing and teach - ing,  
 Peo - ple so va - ried, yet one in our pur - pose,

sum - moned and chal - lenced to love and de - clare  
 shar - ing with o - thers that God may be known,  
 friend - ship and com - fort and mend - ing the roof,  
 com - ing to - geth - er as one fa - mi - ly,

wit - ness to God, who is love ne - ver end - ing,  
 gifts gi - ven free - ly and wil - ling - ly of - fered,  
 vi - si - ting, preach - ing, em - power - ing, or pray - ing,  
 shar - ing the Gos - pel, en - a - bling each o - ther,

© Lindsey Sanderson,  
 arna atáirgeadh le caoinchead

## Soiscéal Scoir

le léamh ó dhoras na heaglaise.

*Ansin sheol sé amach iad chomh fada le Béatáine,  
Agus, ag ardú a lámh dó, bheannaigh iad.  
Agus le linn dó iad a bheannú,  
scar sé leo agus tógadh suas ar neamh é.  
Agus tar éis dóibh umhlú dó,  
chuaigh siad ar ais go Iarúsailéim  
agus áthas mór orthu,  
agus bhídís sa Teampall de ghnáth  
ag moladh agus ag beannú Dé.  
(Lúcas 24:50-53)*

## Ag seoladh amhráin amach

### He is Lord

John Bradley

He is Lord, Lord of all; Je sus Christ: Lord of all. He is Lord, Lord of all; Je sus Christ: Lord of all.

Thought they

5 He is Lord, Lord of all; Je sus Christ: Lord of all. He is

nailed him to the tree He has won the vic tor y!

9 Lord, Lord of all; Je sus Christ: Lord of all. He is Lord, Lord of all; Je sus

Love is strong er than the grave

13 Christ: Lord of all. He is Lord, Lord of all; Je sus Christ: Lord of all.

He has all the power to save!

‘He is Lord of all’ © John Bradley, arna atáirgeadh le caoinhead

# Ord Seirbhíse B

De réir mar a thagann daoine isteach, tugtar cártaí poist dóibh le comharthaí ceiste chun chinn orthu.

## Ag cruinniú amhrán

Tá fáil ar mholtaí ach dul go dtí leathanach na n-acmhainní breise ag an nasc seo a leanas: [www.ctbi.org.uk/weekofprayer](http://www.ctbi.org.uk/weekofprayer)

## Fáilte agus tionscnamh

### Iomann/Amhrán

#### Léamh 1: Lúcas 24. 1-12

*léigh ón bpobal*

#### Dán: Cad a bheir daoibh a bheith ar lorg an bheo i measc na marbh?

Maireann an cheist ar crochadh san aer roimh theacht anuas i dteagbháil dom i gceartlár m'anama  
Cén fáth go bhfágтар thíos i bponc mé, agus an tsíocháin chomh gar sin dom?  
Cén fáth nach ndalltar mé in aghaidh an lae ag solas glé na cruinne cé?  
Cén fáth go mbeadh eagla orm fós cé go ndeir tú nach bhfuil ábhar eagla ann?

'Cuimhnigh' a deir guth de chogadh  
'Ar an tslí inár labhair sé leat,  
Fill ar an tuama,  
Níl sé ann! Agus ní bheidh arís go brách!'

Ar an iomad focal a labhraím san urnaí,  
go n-ardaí cuid acu chun na bhflaitheas ...  
go creide daoine eile ina ndeirim,  
go rithe siad chun an tuama,  
go bhfeice siad dóibh féin na héadaí lín,  
tite go talamh,  
Agus go ndéana siad iontas de ar an mbealach abhaile

*D'fhéadfaí amhrán, damhsa nó dráma a dhéanamh anseo.*

#### Léamh 2: Lúcas 24.13-27

*D'fhéadfadh trí ghlór ar leith é seo a léamh amach.*

#### Dán: An tusa an t-aon duine amháin atá ag cur fút in Iarúsailéim atá in ainbhios ar na nithe a tharla ann sna laethanta seo?

Ag gábháil an bhóthair chrua ar ais ó Iarúsailéim,  
an t-aer trom le díomá, le brón, caillteanas agus aiféala  
("Agus sinne ag súil leis gurbh eisean a bhí chun Iosrael a fhuascailt?").  
Bhí léirstean againn ar an stráinséir a bhí á choimeád féin ar chomhchéim linne.  
Cár fhios dúinne go ndéanfadh an compánach gan aithint seo  
é féin a nochtadh le gníomh chomh simplí le roinnt an bhuilín aráin?

## Ábhar machnaimh:

Cad atá tú ag lorg?

*Tugtar cuireadh do dhaoine a gcuid freagraí a scríobh ar an gcárta poist a tugadh dóibh.*

*Is féidir iad seo a bhailiú ag an bpointe seo nó i ndiaidh na cainte – tá siad le hofráil do Dhia mar ghníomh simplí (siogairlín balla, cis ofrála ...), b'fhéidir go léifí cúpla ceann amach.*

## Iomann/Amhrán

### Léamh 3: Lúcas 24.28-44

#### Briseadh an Aráin

#### Athmhachnamh/caint/léirsmaoineamh

Rogha ar úsáid a bhaint as an taispeántas drámatúil 'Is Finnéithe Sibh' mar léamh drámatúil nó mar thaispeántas PowerPoint™ le glóir laistiar den stáitse.

(ar fáil ar leathanaigh na n-acmhainní breise ag an nasc seo a leanas: [www.ctbi.org.uk](http://www.ctbi.org.uk))

Deireann cách Paidir an Tiomnaithe:

Tabhair sinn ón áit ina bhfuilimid,  
go dtí an áit ar mhaith leat go mbeimis inti;  
déan comharthaí beo do Ríochta atá le teacht dinn,  
seachas caomhnóirí ar an tseanoidhreacht amháin,  
spreag sinn le díochracht i gcomhair ceartais agus síocháin  
idir na huile dhuine;  
lín sinn le creideamh, le dóchas, agus leis an ngrá,  
a chuimsíonn an Soiscéal;  
agus trí chumhacht an Spioraid Naofa,  
tarraing le chéile mar aonad sinn.  
Go gcreide an domhan ionat,  
go raibh d'ainm urramach ag ár náisiúin,  
gurab fearr a dhéanfadh d'eaglais do chúram  
mar chorpán duit,  
tiomnaímid sinn féin chun tú a ghrá, chun freastal ort,  
agus chun tú a leanúint mar oilithrigh,  
seachas stráinséirí.

#### Áiméan.

*(Aistriúchán Gaeilge ar an bpaidir thiomnaithe as ar baineadh úsáid ag an tseirbhís tosaigh de chuid Action of Churches Together in Scotland)*

## Amhrán scoir

### Ag dul ar scor

*Tiontaíonn an pobal chun aghaidh a thabhairt ar an doras*

Léamh 4: Lúcas 24.45-53

*Deireann cách in éineacht:*

Creidimid gur fhulaing Íosa, an Críost, an Slánaitheoir,  
agus gur éirigh sé ó mhairbh ar an tríú lá,  
agus go bhfuil aithreachas agus maithiúnas na bpeacaí  
le fógart ina ainm, os comhair na náisiún uile

## Iomann/Amhrán

Tá fáil ar phaidreacha agus léirsmaointí breise ach dul go dtí an nasc seo a leanas:  
[www.ctbi.org.uk/weekofprayer](http://www.ctbi.org.uk/weekofprayer)